



04.11.2021

UKA2021/166

Illoqarfinni nunaqarfinni,immap tinittarnera ulerujussuartarneralu pillugit, angallatinut umiarsuarnullu talittarfiit qarsunneqartaleriartuinnarneri, isumannaannerusumik aaqqissuunnissaat siunertaralugu, UKA2022-mut naammassereersimasussamik Naalakkersuisut pilersaarudioqqullugit peqquneqarnissaannik Inatsisartut aaliangiiffigisassaattut siunnersuut.

(Inatsisartunut ilaasorta q Siverth K. Heilmann, Atassut)

Nunarput sineriarujussuaqartup inoqarfiillu siammasissorujussuarmik inissisimasut tamatta ilisimaaraarput.

Siunnersuuteqartup oqariartuutigisaatut ukiuni kingullerni silap pissutaata allanngoriartupiloornerata ersiutigisagaat piffiit ilaannut imaannaanngitsumik sunniuteqartarnerat takornartaajunnaarnikuupput.

Qaammatip imissinnerata naalaani anorersuit ulussaarsuarnik malitseqartut ukiup ingerlanerani nalaattualernikuuavut,nalaattakkatta sakkortusiartuinnarnissaat naatsorsuutigisariaqarparput.

Qaammatip imissinnerani piffiit ilaanni ulerujussuartarnera nalaanneqartualernikuuvoq,tamatumalu kingunerisaanik inoqarfinni umiatsialiviit angallatinullu annerusunut talittarfiit qarsunneqartarput.

Tamatumalu kingunerisaanik piffinni ajornartorsiummik annerusumik minnerusumilluunniit piginnittunut nalitusinnaasunik innarliisoqartarpoq.

Aammalu sineriasuatsinni immap tinerujussuartarnera ukiut kingullit angallaviit pingaartumik ikerasakitsuni angalasunut navialiffiusinnaaneri aarlerinartorsiorfiusinnaasut minneruleriartunngillat.

Taamatut nalaataqartarnitta kingunerisaanik Siumumiik UPALUGAARSIMANERMUT sillimasuni sakkortuumik pisoqaratarsinnaanera sillimaffiginiarlugu ILIUUSSISANIK PILERSAARUSIORFIGINEQARNISSAA pisariaqarluinnalersimasoq piaartumik ukkanneqartariaqartoq iliuuseqarfigineqassasorlu piumasaraarput.

Piffinni assigiinngitsuni talittarfiit ulerujussuortalernerata kingunerisaanik ilaat piaarnerusumik iluarsiiiffigipallanneqarnissaat pisariaqarluinnalersimavoq.Naak Naalakkersuisut oqariartornerattut tamakkua ataavartumik malinnaaffigineqarlutillu nalilersuiffigineqartuaraluartut.

UKA2022 Naalakkersuisut qaqitsinissaanni aningaasanut inatsisikoorlugu ukiumut immikkoortinneqartartut pisariaqartitsinermut naleqquttuunersut qulaajarluarlugit qaqqinneqarnissaat Siumumiik piumasaraarput.

Siunnersuut taamatut oqaaseqarfigalugu
ingerlatinneqarnissaa innersuutigaarput.

ataatsimiititaliamut



Karl Tobiassen, Siumut